

ÁKVÖRÐUN SAMEIGINLEGU EES-NEFNDARINNAR
nr. 162/2011

2012/EES/15/39

frá 19. desember 2011

um breytingu á IV. viðauka (Orka) við EES-samninginn

SAMEIGINLEGA EES-NEFNDIN HEFUR TEKID NEÐANGREINDA ÁKVÖRÐUN

með vísan til samningsins um Evrópska efnahagssvæðið, með áorðnum breytingum samkvæmt bókun um breytingu á samningnum um Evrópska efnahagssvæðið, er nefnist „samningurinn“ í því sem hér fer á eftir, einkum ákvæða 98. gr.,

og að teknu tilliti til eftirfarandi:

- 1) IV. viðauka við samninginn var breytt með ákvörðun sameiginlegu EES-nefndarinnar nr. 75/2011 frá 1. júlí 2011 ⁽¹⁾.
- 2) Fella ber inn í samninginn tilskipun Evrópuþingsins og ráðsins 2009/28/EB frá 23. apríl 2009 um að auka notkun orku frá endurnýjanlegum orkugjöfum og um breytingu og síðar niðurfellingu á tilskipunum 2001/77/EB og 2003/30/EB ⁽²⁾.
- 3) Samkvæmt ákvæðum tilskipunar 2009/28/EB fellur úr gildi tilskipun Evrópuþingsins og ráðsins 2001/77/EB ⁽³⁾, en sú gerð hefur verið felld inn í samninginn og ber því að fella hana úr samningnum.
- 4) Skoða verður hvort Noregi hafi tekist að uppfylla markmið um hlutdeild orku frá endurnýjanlegum orkugjöfum í endanlegri brúttónotkun orku árið 2020 í samhengi við upphaflegan, háan hlut endurnýjanlegar orku samanborið við aðildarríki Evrópusambandsins og við þá óvissu sem tengist framboði og eftirspurn sem er innbyggð í sambland af vatnsorkuframleiðslukerfi og köldu loftslagi.

ÁKVÖRÐUNIN ER SVOHLJÓÐANDI:

I. gr.

Ákvæði IV. viðauka við samninginn breytist sem hér segir:

1. Texti 19. liðar (tilskipun Evrópuþingsins og ráðsins 2001/77/EB) falli brott hinn 1. janúar 2012.
2. Eftirfarandi bætist við á eftir 40. lið (reglugerð framkvæmdastjórnarinnar (ESB) nr. 774/2010):
„41. **32009 L 0028**: Tilskipun Evrópuþingsins og ráðsins 2009/25/EB frá 23. apríl 2009 um að auka notkun orku frá endurnýjanlegum orkugjöfum og um breytingu og síðar niðurfellingu á tilskipunum 2001/77/EB og 2003/30/EB (Stjtið. ESB L 140, 5.6.2009, bls. 16).

Ákvæði tilskipunarinnar skulu, að því er samning þennan varðar, aðlöguð sem hér segir:

- a) Tilskipunin á ekki að taka til Liechtensteins.
- b) Ákvæði annar málslíðar 1. mgr. 3. gr. gilda ekki að því er varðar EFTA-ríkin.
- c) Eftirfarandi bætist við í 2. mgr. 4. gr.:

„Noregur og Ísland skulu tilkynna Eftirlitsstofnun EFTA um landsbundnar aðgerðaáætlanir sínar um endurnýjanlega orku eigi síðar en sex mánuðum eftir gildistöku ákvörðunar sameiginlegu EES-nefndarinnar nr. 162/2011 sem fellir tilskipun 2009/28/EB inn í samninginn.“

⁽¹⁾ Stjtið. ESB L 262, 6.10.2011, bls. 32, og EES-viðbætur við Stjtið. ESB nr. 54, 6.10.2011, bls. 44.

⁽²⁾ Stjtið. ESB L 140, 5.6.2009, bls. 16.

⁽³⁾ Stjtið. EB L 283, 27.10.2001, bls. 33.

d) Eftirfarandi bætist við í 1. mgr. 22. gr.:

„Noregur og Ísland skulu skila skýrslu um framþróun að því er varðar aukningu á og notkun orku frá endurnýjanlegum orkugjöfum eigi síðar en 31. desember 2013 og á tveggja ára fresti eftir það. Fimmta skýrslan, sem leggja skal fram eigi síðar en 31. desember 2021, er síðasta skýrslan sem skila skal.“

e) Eftirfarandi bætist við í A-lið í I. viðauka:

”

	Hlutdeild orku frá endurnýjanlegum orkugjöfum í endanlegri brúttónotkun orku árið 2005 (S ₂₀₀₅)	Markmið um hlutdeild orku frá endurnýjanlegum orkugjöfum í endanlegri brúttónotkun orku árið 2020 (S ₂₀₂₀)
Ísland	55,0%	64%
Noregur	58,2%	67,5%

“““

2. gr.

Íslenskur og norskur texti tilskipunar 2009/28/EB, sem verður birtur í *EES-viðbæti við Stjórnartíðindi Evrópusambandsins*, telst fullgiltur.

3. gr.

Ákvörðun þessi öðlast gildi 20. desember 2011, að því tilskildu að allar tilkynningar samkvæmt 1. mgr. 103. gr. samningsins hafi borist sameiginlegu EES-nefndinni (*).

4. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 19. desember 2011.

Fyrir hönd sameiginlegu EES-nefndarinnar

Kurt Jäger

formaður.

(*) Engin stjórnskipuleg skilyrði gefin til kynna.